

【志八—九】

漢書集釋

施之勉 著

(八)

ISBN 957-41-0745-0

(622)



00600



9 789574 107452

【志八—九】

漢書集釋

施之勉 著

(八)

國家圖書館出版品預行編目資料

漢書集釋 / 施之勉著. -- 初版一刷. -- 臺北市 ; 三民總經銷, 2003

冊 ; 公分

ISBN 957-41-0800-7 (全套：精裝)

ISBN 957-41-0737-X (全套：平裝)

1. 漢書-註釋

2. 中國-歷史-漢(公元前202-公元220)

622.101

91024025

© 漢書集釋(八)

著作兼
發行人 施之勉

總經銷 三民書局股份有限公司

門市部 復北店 / 臺北市復興北路386號

重南店 / 臺北市重慶南路一段61號

電話 / (02)25006600

郵撥 / 0009998-5

初版一刷 2003年2月

定價 新臺幣陸佰元整

有著作權・不准侵害

ISBN 957-41-0745-0 (第八冊：平裝)

漢書集釋 八

目次

地理志第八上	3211
泰山郡 /	3211
琅邪郡 /	3264
丹陽郡 /	3358
零陵郡 /	3425
犍為郡 /	3494
巴郡 /	3547
地理志第八下	3562
齊郡 /	3232
東海郡 /	3291
豫章郡 /	3378
漢中郡 /	3438
越巂郡 /	3505
益州郡 /	3515
廣漢郡 /	3449
桂陽郡 /	3401
臨淮郡 /	3309
北海郡 /	3242
東萊郡 /	3253
會稽郡 /	3322
武陵郡 /	3414
蜀郡 /	3461
牂柯郡 /	3534
金城郡 /	3590
酒泉郡 /	3643
上郡 /	3676
西河郡 /	3686
天水郡 /	3619
敦煌郡 /	3647
武威郡 /	3626
安定郡 /	3654
北地郡 /	3665
張掖郡 /	3632
隴西郡 /	3569

溝洫志第九

..... 3 9 8 2

朔方郡 / 3 6 9 5	五原郡 / 3 7 0 2	雲中郡 / 3 7 0 8	定襄郡 / 3 7 1 2
雁門郡 / 3 7 1 6	代郡 / 3 7 2 7	上谷郡 / 3 7 4 3	漁陽郡 / 3 7 5 0
右北平郡 / 3 7 5 9	遼西郡 / 3 7 6 6	遼東郡 / 3 7 8 2	玄菟郡 / 3 7 9 1
樂浪郡 / 3 7 9 7	南海郡 / 3 8 0 4	鬱林郡 / 3 8 1 2	蒼梧郡 / 3 8 1 9
交趾郡 / 3 8 2 5	合浦郡 / 3 8 3 0	九真郡 / 3 8 3 3	日南郡 / 3 8 3 5
趙國 / 3 8 3 9	廣平國 / 3 8 4 6	真定國 / 3 8 5 2	中山國 / 3 8 5 4
信都國 / 3 8 6 4	河間國 / 3 8 7 6	廣陽國 / 3 8 7 9	涿川國 / 3 8 8 2
膠東國 / 3 8 8 5	高密國 / 3 8 8 9	城陽國 / 3 8 9 1	淮陽國 / 3 8 9 4
梁國 / 3 9 0 1	東平國 / 3 9 0 9	魯國 / 3 9 1 4	楚國 / 3 9 2 4
泗水國 / 3 9 2 9	廣陵國 / 3 9 3 1	六安國 / 3 9 3 6	長沙國 / 3 9 4 1

泰山郡。

吳卓信曰：《方輿紀要》泰山郡，今濟南府泰安州以北及兗州府東北境，皆是其地。按，漢泰山郡，今山東泰安府之泰安、肥城、新泰、萊蕪四縣，兗州府之嶧陽、寧陽、滕、汶上四縣，沂州府之費、蒙陰、沂水三縣，濟南府之淄川、長清二縣，皆其地。

高帝置。

吳卓信曰：《方輿紀要》泰山郡，故齊國地。文二年，分置濟北國。三年，國除。十六年，復分齊為濟北國。元狩初，濟北王獻泰山及其旁邑，于是立泰山郡。後元二年，以濟北并入泰山郡。《地理志稽疑》：泰山故屬秦齊郡。楚漢之際屬齊國。尋為濟北國。五月，復屬齊國。分置濟北、博陽二郡。高帝四年屬漢，改博陽曰泰山，仍屬齊國。文帝二年，別屬濟北國。四年，復故。十六年，復屬濟北國。景帝四年，復故。五年，復屬濟北國。武帝元鼎元年，獻泰山及其旁邑，其國如故。後元二年，并濟北，入泰山。屬兗州。又云，博陽郡，楚漢之際，分濟北置，見《高紀》，以封齊王。按，《月表》：濟北國，都博陽，則本屬濟北，及封齊王，已分置矣。蓋即漢之泰山，而後并濟北入之者也。東京又分泰山、濟北為二，則泰山仍得博縣，是其證也。又云，前志，泰山郡之博縣，即博陽也。劉貢父疑博陽置郡之無徵，不知即泰山也。奉高未置縣以前，泰山即治博縣，以是益知其為博陽也。

戶十七萬二千八十六，口七十二萬六千六百四。有工官。汶水出萊毋，西入濟。

屬兗州。

吳卓信曰：師古曰，汶音問。毋與蕪同。《漢書考異》萊蕪縣下云，又《禹貢》汶水出西南入洙汶水。桑欽所言與此文重出而有詳略之異。小顏注既云毋與蕪同，則萊蕪縣下云云，為衍字矣。此文汶水上當

有禹貢二字，入濟下當有桑欽所言四字。濟當作涉。《新校地理志》汶水出萊毋，西入濟八字，疑後人所加。

縣二十四。

吳卓信曰：奉高、博、茌、盧、肥成、蛇丘、剛、柴、蓋、梁父、東平陽、南武陽、萊蕪、鉅平、嬴、牟、蒙陰、華、寧陽、乘丘、富陽、桃山、桃鄉、式。

奉高。

吳卓信曰：丘淵之《齊記》泰山，東岳也。嬴、博二縣共界。漢武封禪，割此縣以供祀泰山，故曰奉高。《水經注》汶水又東南逕奉高縣北。漢武帝元封元年，立以奉泰山之祀，泰山郡治也。《寰宇記》奉高，分嬴、博二縣所置。《大清一統志》奉高廢縣，在今泰安府泰安縣東北十七里。

有明堂，在西南四里，武帝元封二年造。有工官。

吳卓信曰：《史記·封禪書》泰山東北趾，古時有明堂處，處險不敞。上欲治明堂奉高旁，未曉其制度。濟南人公王帶上黃帝時明堂圖。於是上令奉高作明堂汶上如帶圖。本書《武帝紀》元封二年夏，祀泰山。秋，作明堂於泰山下。《水經注》北汾水又東南流逕明堂下，世謂此水為石汶。《括地志》博城東北三十里汶水上有明堂故址。此周明堂也。其在泰安州東十里者為漢明堂。《肇域記》泰安州東北四十里有周明堂址，州東十里有漢明堂址。

博。

吳卓信曰：《左傳》哀十一年，公會吳伐齊，克博。杜注，博齊邑，屬泰山。《史記·項羽本紀》項羽方渡河救趙，田安下濟北數城，引兵降羽。羽故立為濟博王，治博陽。又《灌嬰傳》追齊相田橫至嬴

博，破其騎。又《傳寬傳》屬相國參，殘博。師古曰，屬曹參，以殘破博縣也。《水經》汾水過奉高縣北，屈從縣西，南流過博縣西北。注云，汾水南逕博縣故城東，屈從其城南，西流，不在西北也。《元和志》兗州乾封縣，本齊之博邑，漢之博縣也。《肇域記》泰安州東南三十里有博城，漢縣也。《大清一統志》博縣故城，在今泰安府泰安縣東南。按，《功臣侯表》高后元年，封馮無擇為博成侯。張守節謂今兗州博成，本漢縣，不知其為泰山之博縣，而非博成也。本《表》別有博成，見後。

有泰山廟。

吳卓信曰：本書《郊祀志》宣帝神爵元年，定制祀東嶽泰山於博。《風俗通》岱宗廟，在博縣西北三十里。《水經注》、《從征記》曰，泰山有下中上三廟，牆闕嚴整。廟中柏樹夾兩階，大二十餘圍，蓋漢武帝所植也。赤眉嘗斫一樹，見血而止，今斧創猶存。門閭三重，樓櫺四所，三層臺一所。樹前有大井，香冷異於凡水，不知何代所掘。中廟去下廟五里，屋宇又崇麗於下廟，廟東西夾澗。上廟在山頂，即封禪地也。《大清一統志》岱廟，在今泰安縣城西北隅，廟內有漢柏唐槐。

岱山在西北，兗州山。

吳卓信曰：《舜典》歲二月，東巡狩，至於岱宗。《詩·魯頌》泰山巖巖，魯邦所瞻。《夏官·職方》兗州，山鎮曰岱山。鄭注，岱山在北博。《爾雅·釋山》河東岱。郭注，岱宗泰山。又泰山為東嶽。《尸子》泰山中有神房阿閣，三十六洞天之一也。《史記·貨殖傳》泰山，其陽則魯，其陰則齊。《五經通義》泰山，一曰岱宗，東方萬物始交代之處。宗，長也，言為群嶽之長也。《風俗通》舊說，岱宗上有金匱玉策，能知人年壽修短。漢武帝探策得十八，因倒讀曰八十，其後果壽長八十。《博物志》泰山，一曰天孫，言為天帝之孫，主召人魂魄，知人生命之長短。《道書·福地記》泰山高四千九百丈二尺，週迴二十里。

《括地志》泰山在兗州博城縣西三十里。《唐六典》泰山周一百六十里，高四十餘里。《元和志》泰山在乾封縣西北三十里。《文獻通考》泰山為岱宗者，以其處東北，居寅丑之間，萬物始終之地，陰陽交泰之所，為眾山之所宗主也。《大清一統志》泰山在今泰安府城北五里，是為東嶽，亦曰岱宗。

荏。

吳卓信曰：《續志》作荏。應劭曰，荏山在東北，音溜。《水經注》濟水又東北，與中川水合。半水出山荏縣，北逕盧縣故城北入濟，俗謂之沙溝水。師古曰又音仕疑反。《元和志》今齊州豐齊縣，本漢荏縣也，取縣東北荏山為名。《寰宇記》荏縣城，在今長清縣東北四十里。宋祁曰，荏當作荏。《肇域記》長清縣東北三十里有山荏城，漢縣，唐改名豐齊，今為鎮。《山東通志》荏城在長清縣東南五十里。《大清一統志》曹魏時，山荏故城，在今濟南府長清縣東北，即漢荏縣。

盧。

吳卓信曰：《左傳》隱三年，齊鄭盟於石門，尋盧之盟也。杜注，盧，齊地，今濟北盧縣故城是。又成十七年，齊高弱以盧叛。又襄十八年，晉趙武韓起以上軍圍盧。《史記·曹相國世家》攻盧。《索隱》曰，盧縣，屬泰山。《晉書地道記》盧，扁鵲所生。《水經注》濟水又北逕平陰城西，《春秋》襄十八年，晉侯沈玉濟河，會於魯濟，同伐齊，齊侯禦諸平陰。京相璠曰，平陰，齊地，在盧縣故城西南十里。其水引濟，故瀆尚存。《通典》今濟州所理盧縣，漢舊縣，有盧水。《元和志》今鄆州盧縣，本漢舊縣。又齊州長清縣，亦漢盧縣地。《史記正義》扁鵲為醫，或在齊，故又號盧醫。《寰宇記》盧城在長清縣南五十里。《大清一統志》盧縣城，在今濟南府長清縣南。舊志云，在縣南二十五里。

郛尉治。濟北王郛也。

吳卓信曰：《水經注》濟水又逕盧縣故城北，濟北郡治也，蓋以濟水在北故也。《名勝志》濟北城，在今濟南府長清縣西三十里。舊志以為隋大業間名，非也。《地理志稽疑》按《濟北王傳》云，國除為北安縣。今志無此縣，殆其後改名為盧者。《新校地理志》濟北，淮南王長子勃所封。本傳云國除為北安縣，屬泰山郡。是始名北安，後改名盧也，史無可考之時矣。

肥成。

吳卓信曰：《水經注》沁水出肥成縣東北白原，西南流逕肥成縣故城南。樂正子春謂其弟子曰，子適齊過肥，肥有君子焉，即此處也。《後書·章帝紀》注，肥城縣故城在今濟州平陰縣東南。《元和志》今鄆州平陰縣，本漢肥城縣地。《名勝志》肥河在今肥城縣東十里，與縣東北之孤山河，東南之合溝河合。《方輿紀要》肥城故城，在今濟南府肥城縣西。《大清一統志》今泰安府肥成縣，漢置。肥河在縣南，即古蛇水也。按，應仲遠謂肥成即古肥子國。據本志，真定國縣饒縣注云，故肥子國。又杜氏《左傳》注，肥子國，在鉅鹿下曲陽縣西南，今有肥冢城，則肥子國屬真定者為是。《元和志》復主應氏之說，非也。蛇丘。

吳卓信曰：鄭德讀蛇為移。師古曰，蛇，音移。《左傳》襄二十三年，臧宣叔娶於鑄。杜注，鑄國，濟北有蛇丘縣，所治鑄鄉城是也。《春秋》定十三年，築蛇淵囿。京相璠曰，濟北有蛇丘城，城下有水魯囿也。《呂氏春秋》武王勝殷，未下韞，命封黃帝之後於鑄。高誘注，鑄，國名。《水經注》汶水又西逕蛇丘縣南，縣有鑄鄉故城。又云，汶水又西，蛇水注之。水出泰山，西南流逕鑄城西，《左傳》所謂蛇淵囿也，俗謂之濁須水，非矣。《輿地廣記》按《水經注》云，汶水又西，洸水出焉。又西逕蛇丘縣南。又云，蛇水西南逕下謹城南，蛇水即謹水也。今洸水、謹水並在龔丘縣，則龔丘亦蛇丘地矣。《山東通志》

蛇丘城，在泰安縣西南一百餘里。《大清一統志》蛇丘故城，在今泰安府肥城縣南，春秋魯蛇淵囿也，亦曰鑄鄉。按，《樂記》武王封帝堯之後於祝。鄭注，祝或為鑄。考古祝、鑄同音。《淮南·俶真訓》曰，治弓之鑄器。高誘注云，鑄，讀作祝。

隧鄉，故隧國。《春秋》曰，齊人殲於隧也。

吳卓信曰：《春秋》莊十三年，齊人滅遂。杜注，遂國在濟北蛇丘縣東北。又十七年，齊人殲於遂。又昭八年，史趙曰，舜重之以明德，實德於遂，遂世守之。及胡公不淫，故周賜之姓，使祀虞帝。杜注，殷之興，存舜之後，而封於遂。胡公滿遂之後也，武王賜姓曰媯，封諸陳。《史記·齊世家》桓公伐魯，魯莊公請獻遂地以和。《水經注》京相璠曰，遂在蛇丘縣東北十里，今城乃在蛇丘西北也。《大清一統志》遂城，在今肥城縣南。按，隧當作遂。《春秋》、《史記》、《郡國志》並同。此真是流俗之譌，而顏氏不能正之，反曰隧音遂，可謂謬極。

剛，故闡。

吳卓信曰：《春秋》哀八年，齊人取闡。杜注，闡在東平剛縣北。戰國為齊之剛邑。《史記·穰侯傳》昭王三十六年，穰侯言，客卿竈欲伐齊，取剛壽，以廣其陶邑。徐廣曰，濟北有剛縣。《水經注》汶水又西南逕岡縣北，縣本魯闡邑也。京相璠曰，岡縣西四十里有闡城亭。又云，洙泗逕南平陽縣南，洙水注之。呂忱曰，洙水出東平陽，上承汶水于岡縣西，闡亭東。《爾雅》曰，汶別為闡，其由洛之有波矣。又云，於延水又東逕岡城南。《後書·戴封傳》注，剛縣故城，在今兗州龔丘縣東北。《大清一統志》剛縣故城，在今兗州府寧陽縣東北五十五里。按，《水經注》作岡縣。據王莽更名曰柔，則剛字為是。

莽曰柔。

柴。

吳卓信曰：《水經注》淄水又西南逕柴縣故城北，世謂之柴汶矣。《山東通志》柴城在泰安縣東南五十餘里。《大清一統志》廢柴縣在今泰安府泰安縣南。舊志云，今有柴城堡。柴汶在府治東北四十里，源出嶽旁仙臺嶺，南流經府東三十里入汶。按，《王子侯表》有柴原侯代，武帝元朔四年，以齊孝王子封，即此。

蓋。

吳卓信曰：《說文》郈，地名，从邑，盍聲。師古曰，蓋讀如本字。又音古盍反。又音公臘反。《後書·琅邪孝王傳》注，蓋縣故城，在今沂州沂水縣西北。《肇域記》沂水縣西南八十里有蓋城。《孟子》蓋大夫王驩，陳仲子兄戴蓋祿萬鍾，並即此。《大清一統志》蓋縣故城，在今沂州府沂水縣西北七十里，戰國時齊邑也。按，《恩澤侯表》景帝中元五年，封王信。《王子侯表》武帝元朔三年，封河間獻王子讓，並即此。

臨樂于山。

吳卓信曰：《寰宇記》艾山，一名臨樂山，在今沂州新太縣東北三十里，沂水所出也。《齊乘》蒙縣東北地名南河川。小阜之下有狗泉，即沂水之源也，疑此即臨樂山。《大清一統志》臨樂山，在今沂州府蒙陰縣東北。按，《說文》及《水經》並作臨樂山，無于字，故後世地志多宗之，則于字當衍。

洙水所出，西北至蓋入泗（舊作池，誤）水。

吳卓信曰：《春秋》莊九年，浚洙。京相璠曰，洙水在魯城北，浚深之，為齊備也。《說文》洙水出泰山蓋臨樂山，北入泗，从水，朱聲。《水經》洙水出泰山蓋縣臨樂山，西南至卞縣，入於泗。注云，洙

水自山西，北逕蓋縣，又西逕泰山東平陽縣。又西南流，於卞城西注，南入泗水，亂流西南，至魯縣東北。又分為二水，西北流，逕孔里，北自謂洙泗之間矣。又南逕瑕丘城東。又西南逕南平陽縣之顯閭亭西，又南洙水注之。又南至高平縣，南入於泗水。《元和志》洙水東去瑕丘縣二十三里泗水東，自曲阜縣界流入，與洙水合。《闕里志》今洙水與泗水不通，上源在聖林之東北，止一溝瀆，似古魯城之隍也。穿聖林而橫流過先聖墓前，出林，復西南流入於沂。其古道不可考矣。《大清一統志》洙水在今曲阜縣北四里，泗水分流也。上源既不遠，而下流即入西沂，與《水經注》故道迥殊。其分流之處，或以為今之濟河，自府城東金口閘，分流貫城而西出，至濟寧州界，會洙水入運河。疑即洙水故瀆，又以府城北二十五里有沙河，三十里有漕河，九折而下，矯若游龍，亦名九龍灣，皆自寧陽縣流入。又西入洙，疑即洙水枝津也。殿本《漢書考證》齊召南曰，池水應作泗水。《水經注》引此文云，西北至蓋入泗水。或作池字，字誤也。觀此，則酈氏以前本，已有誤作入池者矣。

又沂水南至下邳。

吳卓信曰：屬東海郡。

入泗。

吳卓信曰：鄭康成《周禮》注，沂山，沂水所出也，在蓋。賈公彥《周禮正義》沂水出沂山，水乃取名於山，故知沂水出焉。《說文》沂水出東海費縣東，西入泗。一曰出泰山蓋縣。青州浸。《水經》沂水出泰山蓋縣艾山，南過琅邪臨沂縣東，又南過開陽縣東，又東過襄賁縣東，屈從縣西南流，又屈南過郯縣西，又南過良城縣西，又南過下邳縣西南，入於泗。注云，鄭玄云，沂水出沂山，亦或云臨樂山。水有二源，南原，世謂之柞泉。北源，世謂之魚窮泉，俱東南合流成一川。又東逕蓋縣故城南，又東南

逕東莞縣故城西，又南逕東安縣故城東，又南逕陽都縣故城東，又南逕臨沂縣故城東。於下邳縣北西流分爲二水並入泗。《齊乘》鄭康成云，沂水出沂山，今蒙陰縣東北地名南河川，小阜之下有曰狗泉，此沂源也。東南經馬頭固山，有泉東流與之合。北望沂山五十里，殊無別源。據《周禮》沂山因沂水得名。康成，又齊之大儒，不應有誤。疑沂山水源，古流今竭耳。今《水經》沂水源發青州府沂水縣西北一百九十里雕崖山，南流經縣南二里至沂州，柘水入之。柘水源發大崖阜，東南流經沂州郯城縣入邳州界合沂水。沂水西流過下邳城西，西南入於泗水。《禹貢錙指》黃子鴻云，《周禮》青州，鎮曰沂山。鄭康成謂沂水所出。今沂水實出雕崖山，北去東泰山尚五十餘里，則古沂山，當即指此。隋唐時，始移沂山之名於東泰山而祀之，以爲東鎮。其實二山不可混也。子鴻此言甚嚴。臨樂艾山雕崖，疑即沂山支阜之異名。山跨蒙、沂二縣之境，故縣志各載爲沂源耳。《齊乘》所謂狗泉者，即北源之魚窮泉。其出馬頭固山者，即南源之柘泉也。《尚書地理今釋》沂水出今沂州府沂水縣西一百七十里雕崖山，即古沂山也，或云艾山，皆沂山支阜之異名耳。其水接蒙陰縣界，南流至江南淮安府宿遷縣北，匯爲駱馬湖，又南入運河。《大清一統志》沂水，源出蒙陰縣北，東南流，經沂水縣西。又南流邳州界，經蘭山縣東。又南流經郯城縣西。又南流，入江南邳州界。《皇朝通志》沂河源出沂水縣西北經縣城西，折而西南，有東汶河自蒙陰縣來會。又南有涑河，亦至費縣來會。又西南經郯城縣西。又西南入江南邳州界，有涑河支津來會。又西南分三派，其二支先入運河，一支匯爲駱馬湖，於湖之南入運河。《水道提綱》沂河，即古沂水，源出沂水縣西北之東鎮沂山，俗曰東泰山，是也。其西麓曰大弁山與雕崖山，亦曰艾山。東南流，又折而南，經縣城西。又折而西南，有東汶河，自西址來會。水勢益盛。東汶河，即沂水西源也。亦名桑泉河，出蒙陰縣五女山。東流經蒙山東。又東南與沂水會。既合而南流，入江南邳州界，匯爲駱馬湖，入運河。

按，徐、亮之水，以沂名者非一。其出曲阜縣尼山西北，經魯之寧門者，金仙山謂此曾點浴沂之沂，《齊乘》所謂西沂水也。其出東武陽之冠石山者，即《說文》所謂沂水出東海費縣東，西入泗，俗謂之小沂水，是也。而沂水之大，則莫有出於泰山之蓋縣者。

過郡五，行六百里。

吳卓信曰：按，過泰山、城陽、琅邪、東海四郡，五字誤。

青州窳。

吳卓信曰：《夏官·職方》青州，其浸沂沭。《漢書商榷》按《禹貢》沂在徐州。《職方》云青州浸者，徐地周入青也。

梁父。

吳卓信曰：《史記·始皇本紀》二十八年，禪梁父，刻所立石。臣瓚曰，梁父，泰山下小山也。又《封禪書》八神，二曰地主祠泰山梁父。《白虎通》增泰山之高以放天，附梁父之基以報地。《水經注》淄水又逕梁父縣故城南。縣北有梁父山。《開山圖》曰，泰山在左，亢父在右。亢父主生，梁父主死。王者封泰山、禪梁父，故縣取名焉。又云，柴汶水出泰山梁父縣東，西南流逕菟裘城北，又逕梁父縣故城南。師古曰，以山名縣也。父，音甫。《括地志》梁父故城，在今兗州府泗水縣北八里。《肇域記》泗水縣北四里有梁父城，漢縣，今為故縣村。《大清一統志》梁父故城，在今泰安府城南六十里。舊志云，與兗州府泗水縣接界。梁父山在府南一百十里，新泰縣西四十里。

東平陽。

吳卓信曰：《春秋》宣八年，城平陽。杜注，今泰山有平陽縣。本書《灌嬰傳》擊破楚騎於平陽。

師古曰，此平陽在河南。《地理志》泰山有東平陽縣。《水經注》洙水又西逕泰山東平陽縣，河東有平陽，故此加東。《元和志》今沂州新泰縣，春秋時魯平陽邑也，漢為東平陽縣。《山東通志》東平陽城，即今新泰縣之外郭。《大清一統志》東平陽故城，在今泰安府新泰縣西北。按，魯有兩平陽，此東平陽也。西平陽在兗州府鄒縣西三十里，本邾邑，為魯所取。顧宛溪高江村於宣八年城平陽，並引哀二十七年盟越后庸事，是誤以鄒縣之西平陽為即此東平陽矣。

南武陽。

吳卓信曰：《後書·陳俊傳》注，南武陽故城，在今沂州費縣西。《隋志》琅邪郡顓臾縣，舊曰南武陽，開皇十八年改。《大清一統志》南武陽故城，在今沂州府費縣西北七十里。以東郡有武陽，故此加南字。

冠石山，治水所出，南至下邳。

吳卓信曰：屬東海郡。

入泗。

吳卓信曰：應劭曰，武水所出南入泗。《水經注》治水出泰山南武陽縣之冠石山。《地理風俗記》曰，冠石山，武水出焉，蓋水之異名也。東流逕蒙山下。又東南逕顓臾城北。又東南逕費縣故城南，俗亦謂之小沂水。又東南逕柘城南。又東南注於沂。《大清一統志》聽山在費縣西北百里，即古冠石山，浚水發源於此。又云，武河在江南邳州南，自山東嶧縣流入，即古治水也。又云，小沂水源出費縣西北聽山，東南至蘭山縣入於沂，古名治水，亦名武水，又名浚河。

過郡二。